



Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
4199/A/1








Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
4199/A/1





Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
4199/A/1



Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
4199/A/1











4199


538

4199 (1)  
1A/1

N. vi. 8  
'7

MENAPIUS  
2







VIR

FRA

LIBRARY



66641

CENTO  
VIRGILIANUS

DE  
FRATRIBUS ROSEÆ  
CRUCIS



Authore  
F. G. MENAPIO.

---

M D C, XIIX.



DE  
VIRGILIANUS

IN AETERNUM



IN AETERNUM



2003

VIR

FR

Ule Eg.

Multa

Multa

Delicias

Ule Eg.

Carmina

In tenui

Ule Eg.

Ule Eg.

Ule Eg.

Ule Eg.

Ule Eg.

Ule Eg.

Ule Eg.

Ule Eg.

Ule Eg.

Ule Eg.

Ule Eg.

Ule Eg.

Ule Eg.

Ule Eg.

Ule Eg.

Ule Eg.

Ule Eg.

Ule Eg.

Ule Eg.

Ule Eg.

Ule Eg.


Ule Eg.

Ule Eg.

Ule Eg.

Ule Eg.





CENTO

# VIRGILIANUS

DE

FRATRIBUS ROSEÆ  
CRUCIS.

[Lle Ego, qui quondam viridi projectus in antro,  
Multa super Nymphæ repetēs, super æquore multa  
Multa super visis dilectâ in Virgine membris,  
Delicias Domini, levium spectacula rerum,  
Noctes, atq; dies cecini, quæ cortice fagi  
Carmina descripsi, & modulans alterna notavi.  
In tenui labor, at tenuis non gloria: si quem  
Numina læva sinunt, auditq; vocatus Apollo.  
Judicio nostro paulò majora canamus.  
Non omnes arbuta juvant, collesq; virentes,  
Pallentes hedera, vel amantes littora Myrti,  
Hædorumve gregem viridi compellere hibisco,  
Aut humiles habitare casas, & sordida rura,  
Populus, & glaucâ canentia fronde salicta.  
Majus opus moveo: Non hic te carmine ficto  
Hospitium antiquum Trojæ, Tiberinaq; longe  
Ostia, non genus invisum, aut Ganymedis honores,  
Gradumve patrem Geticis qui præsidet arvis

A 2

Sed



Cento Virgilianus,

*Sed Fratres rerum Dominos, gentemq; togatam,  
Magnanimosq; Duces, totiusq; ordine gentis  
Illustres animas, & corda oblita laborum?  
Fataq;, fortunatq; virum, moresq;, genusq;  
Dicam equidem fretus cythara fidibusq; canoris  
Fatidica Mantus; alios trivisse labellum  
Pæniteat cålamo: Non omnia possumus omnes.  
At tu cui meritis oritur fiducia chartis,  
O decus, ô fama meritò pars maxima nostræ  
Mecenas; tentanda via est, qua me quoq; possim  
Tollere humo, victorq; virum volitare per ora.  
Non injussa cano, sua cuiq; exorsa laborem  
Fortunamq; ferent: mihi jussa capeßere fas est.  
Mecenas venerande, meis allabere captis,  
Da facilem cursum, atq; audacibus annnè captis.  
Te sine nil altum mens inchoat: altius omnem  
Expediam, prima repetens ab origine, famam.  
Dij, quibus imperiũ est animorũ, umbræq; silentes,  
Et chaos, & phlegethon, loca nocte silentia latè,  
Sit mihi fas audita loqui: sit numine vestro  
Pandere res altâ terrâ, & caligine mersa.  
Jam nova progenies cælo demittitur alto,  
Ab Jove principium generis, si credere dignũ est,  
Natus ab integro seclorum nascitur ordo.  
Tu modo nascenti puero, quo ferrea primum  
Desinet, ac toto surget gens aurea mundo,*

*Cast*



De Fratribus R. C.

asta fave Lueina: tuus nunc regnat Apollo,  
venit summa dies, & ineluctabile tempus,  
edamus Phabo, & moniti meliora sequamur.  
forte inter densas, umbrosa cacumina, fagos  
innumeris implens vacuum nemus omne querelis,  
fessa, sed obscenas ostentans improba partes,  
Iuda genu, nodoq; sinus collecta fluentes,  
Quale manus addunt ebori decus, aut ubi flavo  
Argentum, Pariusve lapis circumdatur auro,  
Cum malo Galatea petit lasciva puella,  
Cum matura Viro, jam plenis nubilis annis,  
Postquam spectaret solum Cyclopa vagantem,  
osum inter pecudes vasta se mole moventem,  
Pastorem Polyphemum, & littora nota petentem,  
Accedit, tales & caput reddere voces:  
Quid Polypheme furis, quid inani carperis æstro?  
ventibus infrendens gemitu cui lumen ademptum  
domitas tantus tibi quis dolor excitat iras?  
excute conceptam flagranti pectore bilem,  
Meq; agnosce thori sociam: tua jussa libenter  
exequar, & tecum constantia fœdera jungam,  
cuius amor tantum cunctas mihi crescit in horas,  
Quantum vere novo turgent in palmitē gemma.  
Est etiam nobis non infima stirpis origo,  
Me quoniam fortes olim genuere Gigantes,  
revictis ausi superis indicere bellum.

A

Omne



Sento Virgilianus,

Omne adeo genus in terris hominumq; ferarumq;  
 Et genus aquoreum pecudes, pictaq; volucres,  
 In furias, ignemq; ruunt: amor omnibus idem.  
 Ut primum cessit furor, & rapida ora quierunt,  
 Incipiens subito veteres dediscere motus  
 Aspicit Hic nudos, molissima membra, lacertos,  
 Corpus, & auratas picta sub tegmine vestes,  
 Intentos volvens oculos, uritq; videndo  
 Virginis os, habitumq; recens cui plurimus ignem  
 Subjecit rubor, & calesacta per ora cucurrit.  
 Nerine Galatea, thymo mihi dulcior Hybla,  
 Candidior cygnus, hederâ formosior alba,  
 Nunquam hodie effugies, insit, nec voce laceffas  
 Efficaciam post hac quenquam: Quin protinus illâ  
 Arripit, & secum tenebrosum ducit in antrum,  
 Clamorem immensum tollens, quo pontus, & omnes  
 Intremuere unda, penitusq; exterrita tellus  
 Armenia, curvisq; immugijt Aetna cavernis.  
 Hinc genus è sylvis Cyclopum, & montibus altis  
 Excitum ruit ad portus, & littora complent.  
 Cernimus astantes nec quidquam lumine torvo  
 Aetnaos fratres, caelo capita alta ferentes.  
 Mox simul & paribus intens Cyllenius alis  
 Constitit, & toto praeceps se corpore ad undas  
 Misit, & ex templò intenues evanuit auras.  
 Iuppiter, & Tellus, Sol, nec non pronuba Juno

Dant



De Fratribus R. G.

Dant signum : fulsere ignes, & conscius aether  
Connubij, summaq; applaudunt vertice Nymphae,  
Plena per insertas fundebat Luna fenestras:  
O fortunati, quorum Rex magnus Olympi  
Conjugio Deus ipse faces, arimūq; ministrat  
Consiliumq; omnemq; domum, eventusq; secundat.  
Interea furit immixtis Vulcanus habenis,  
Et subter specus, & Cyclopm exesa caminis  
Antra Aetnae tonant, vididisq; incudibus ictus  
Auditireferunt gemitum, triduntq; cavernis  
Strictura chalybum, & fornacibus ignis anhelat.  
Pars spoliant aras, fronden, ac virgulta, facesq;  
Conjiciunt, alij taurinis solibus auras  
Accipiunt, rapiuntq; focis penetralibus ignem.  
Excubat, exercetq; vices, quod cuiq; tuendum est:  
Idem omnes simul ardor agt, labor omnia vincis  
Improbis, & rerum fato prudentia major.  
Ille sedens victor flammam lespectat. ovantes,  
Attrectat manibus, figitq; n. virgine vultus,  
Oscula libavit, dextramq; implexus inhaesit.  
Postquam congressi sola sui nocte per umbram,  
Et mentem Venus ipsa dedit, nova praelia tentant,  
Luxuriatq; toris animosumpectus, honesti  
Concubitu indulgent trepidanti fervidus instat,  
Illa manu moriens telum trahit, ossa sed inter  
Altius ad vivum perfodit vulnere mucro,



Cento Virgilianus,

Perdita nec sera meninit decedere nocti  
 Unde utero Galatea gravi formosa revertens,  
 Dum rapuit sitiens Venerem, interiusq; recondit,  
 Digna laboratis respondet premia curis,  
 Teutoniaq; suos fatus cum nixibus edit.  
 Non alias cælo ceciderunt plura sereno  
 Fulgura, nec diri toties æsere Cometa.  
 Sed nihil invitis fas quenquam fidere Divis.  
 Dijs quanquam geniti, ot jam labentibus annis,  
 Dum faciles animi juverum, dum mobilis ætas,  
 Errabant acti fatiis Mara omnia circum.  
 Nunc è conspectu Siculae elluris in altum,  
 Incerti quo fata ferant, ibi sistere detur,  
 Vela parant, & mox Libia vertuntur ad oras,  
 Mox & scyllæas rabies, peritusq; sonantes  
 Accedunt scopulos, mox & sub sydere cancri  
 Versant, Illjricum, Tyros, & Agenoris urbem,  
 Bacchatamq; jugis Naxin, viridemq; Donyfam,  
 Quaq; redit medium Riodope porrecta sub axem,  
 Menia, turgentemq; nota Carthaginis arcem  
 Experti, atq; nives hyemis, Hebrumq; biberunt,  
 Alpinas ab dura nives & frigora Rheni,  
 Cum subito assurgens flæctu nimbosus Orion  
 Invada cæca tulit, pentusq; procibus Austris  
 Perq; undas superante salo, perq; in via saxa  
 Dissulit huc illuc ventis Maria omnia vectos.

Affli-



De Fratribus R. C.

Afflicta fortuna viros per bella, per aquor,  
Iras insidiasq, catenatosq, labores  
Mutandos semper gravioribus: ipsa senectus  
Expectata diu, votis optata malignis  
Obijcit innumeris corpus lacerabile morbis  
Nulli certa domus habitabant vallibus imis  
Seclusum nemus, & scopulis pendentibus antrum,  
Riparumq, thoros inter spelea ferarum,  
Sole sub ardenti, gelidig, sub aetheris axe.  
Corrupto cæli tractu miseranda recurrit  
Arboribusq, satisq, lues, & lethifer annus.  
Linquebant dulces animas, aut agratrahebant  
Corpora: tum steriles exurere sirius agros,  
Arebant herba, & victum seges agra negabat.  
Jupiter omnipotens, qui solus ab aethere summo  
Cuncta moves, qui res hominum, curasq, recenses  
Aspicis hac? Ante, Genitor, cum fulmina torques,  
Nec quicquam horremus, cæciq, in nubibus ignes  
Terrificant animos, & inania murmura miscent?  
Muncra nostra tuis an frustra imponimus aris?  
Quid struimus! quæ spes! famâ an ne fovemus inanē  
Nos tua progenies, cæli quibus annuis arcem!  
Quid tua sancta fides, quid cura antiquatuorum?  
Magne pater, tandem quem das tot fluctibus actis  
Finem! Sic Fratres nos in tua sceptrareponis  
Omnibus exhaustos jam casibus, omnium egenos?

A S

Molle



Centio Virgilianus

Molle pecus scabiemq; ferat, turpesq; podagras.  
 Diræ per incautum serpant contagia vulgus!  
 Cur fuerit, atq; artus depascitur arida febris?  
 Heu pietas, heu prisca fides! Quis talia fando  
 Temperet à lachrimis! Quæte sententia vertit!  
 Iuppiter omnipotens, precibus si flecteris ullis  
 Aspice nos, hoc tantum: & si pietate meremur  
 Da deinde auxilium pater.  
 Illi subridens hominum sator, atq; Deorum,  
 Vultu, quo cælum, tempestatesq; serenat,  
 Et simul ingemuit miserans, dextramque tetendit,  
 Et mentem patria subiit pietatis imago,  
 Oscula libavit Gnatæ, de hinc talia fatur:  
 Tanta ne vos generis tenuit fiducia vestri!  
 Magnanimi Heroës, nati melioribus annis,  
 Qui tumidum sub me permensi classibus æquor,  
 Per varios casus, per tot discrimina rerum,  
 Solvite corde metum, Fratres, secludite curas,  
 Degeneres revocate animos, maestumq; timorem.  
 Mittite: Forsan & hæc olim meminisse juvabit.  
 Faber enim vobis, quando hæc vos cura remordet,  
 Longius & volvens fatorum arcana movebo.  
 Hoc opus, hic labor est: pauci quos æquus amavit  
 Iuppiter, aut ardens evexit ad æthera virtus.  
 Audite ô procures, ait, & spes discite vestras.  
 Nostis, sæpè equidem indolui commotus amore.

Imposui



De Fratribus R. C.

Imposui finem: nunc stat sententia menti.  
Qui vos tantorum eripui de clade malorum,  
Idem Ego sub majora potens vos premia ducam.  
Tempus erit, quo vos cognoscat maximus orbis  
Aut hores frugum, tempestatumq; potentes  
Accipiat, vobis quoq; serviat ultima Thule,  
Quis ego nec metas rerum, nec tempora pono,  
Vosq; sibi generos Thetis emat omnibus undis.  
Iidem venturi tollentur in astra nepotes,  
Et nati natorum, & qui nascentur ab illis.  
Quin si alios sua habet virtus, qui laude perenni  
Accingant sese, gestis praestantibus orbem  
Exornent, illos rursum super aethera mittam  
Imperium sine fine dedi, neq; me sententia vertit.  
Tempus erit, per vos redeant Saturnia regna,  
Ipse lacte domum referant distenta capella  
Ubera, nec magnos metuant armenta leones.  
Expectata dies aderit, dignisq; Hymenaeis  
Matres, atq; viri, juvenesq; ante ora parentum  
Mixti convenient: veteres tellure recludent  
Thesauros, ignotum argenti pondus, & auri  
Munera portabunt, auriq; eborisq; talenta.  
Sapè manu liquido distendent nectare cellas,  
Occidet & serpens, & fallax herba veneni  
Occidet: Assyrium vulgo nascetur amomum.  
Molli paulatim flarescet campus arista,

Incul.



Cento Virgilianus

Incultisq; rubens pendebit sentibus uva,  
Et dura quercus sudabunt roscida mella.  
Pauca tamen suberunt prisca vestigia fraudis,  
Quæ tentare Thetis ratibus, quæ cingere muris  
Oppida quæ jubeant telluri infindere sulcos.  
Optima quæq; dies miseris mortalibus ævi  
Prima fugit, subeunt morbi, tristisq; senectus,  
Et labor & dura rapit, inclementia mortis.  
Alter erit tum Tiphys, & altera quæ vehat Argo  
Delectos Heroas: erunt etiam altera bella,  
Atq; iterum ad Trojam magnus mittetur Achilles  
Tristis ubi infauſto committitur omine pugna.  
Bellum ingens geret Italia, & Mavortia condet  
Mœnia, nec ponent ſua corda ferocia pœni.  
Immatura cadent ramis pendentia mala,  
Vicina flammæ rapiant ex ordine vites,  
Dulcia non oculis, non auribus ulla ferentur.  
Hinc ubi jam firmata Viros vos fecerit ætas,  
Æſpera tum poſitis miteſcent ſecula bellis:  
Claudentur belli portæ: Furor impius intus  
Sæua ſedens ſuper arma, & centum vinctus ahenis  
Poſt tergum nodis, fremet horridus ore cruento,  
Cedet & ipſe mari vector, nec nautica pinus  
Mutabit merces: omnis feret omnia tellus.  
Iſe ſuas artes, ſua munera latus Apollo  
Augurium, cytharamq; dabit celeresq; ſagittas,  
Scire



De Fratribus R. C.

Scire potestates herbarum, usumq; medendi.  
Nulla viam fortuna reget, spargetq; salubris  
Ambrosiae succos, & odoriferam panaceam  
Non rastros patietur humus, non vinea falcem  
Robustus quoq; jam tauris iuga solvet arator,  
Nec varios discet mentiri lana colores,  
Ipse sed in pratis aries jam suave rubenti  
Murice, jam croceo mutabit vellera luto.  
Sponte sua sandyx pascentes vestiet agnos,  
Jamq; novum terrae stupeant luce scere solem,  
Jungentur jam Gryphes equis, & voq; sequenti  
Cum canibus timidi venient ad pocula damae.  
Talia secla suis dixerunt currite fusis  
Concordes stabilifatorum numine parcae.  
Hic labor: hinc laudem fortes sperate coloni.  
Quo feror! unde abij! fugit irreparabile tempus.  
Multaq; praeterea post me memoranda relinquo.  
Sic pater astripotens intentis omnibus unus  
Fata renarrabat Divum, casusq; docebat,  
Incenditq; animos fama venientis amore.  
Conticuit tandem factq; hic fine quievit.  
Salve vera Jovis proles, tibi nomina mille,  
Dives opum, dives pictae vestis, & auri  
Omnes caelicolas, centum complexa nepotes.  
Nuncite, & vosmet rebus servate secundis  
Concordes animae, nunc & secludite curas.

Ofor.



Cento Virgilianus

O fortunati nimium, multumq; beati,  
 In quibus illa pedis nivei vestigia ponet,  
 Aut roseis digitis viridem decerpserit uvam.  
 Felix, qui potuit rerum cognoscere causas,  
 Quid procures, vaniq; ferat quid opinio vulgi  
 Securus, mundi instar habens, teres, atq; rotundus,  
 Atq; metus omnes, atq; in exorabile fatum  
 Subjecit pedibus, strepitumq; Acherontis avari.  
 Illum non populi fasces, non purpura regum  
 Flexit, & infidos agitando discordia fratres,  
 Aut conjurato descendens Dacus ab Istra:  
 Non res Romana, perituraq; regna: neq; ille,  
 Aut doluit miserans inopem, aut invidit habenti.  
 O socij per dura, ac densa pericula vecti,  
 Per tantos bellorum aestus, duplicesq; furores  
 Armorum: jam finis adest: hic meta laborum  
 Stabit, non equidem in video. Discordibus armis  
 Haud impacatos à tergo horrebis Iberos,  
 Non unquam somnos abrumpet cura salubres,  
 Multa viros meritis sustentat fama trophaeis,  
 Ipsi letitiâ voces ad sidera jactant,  
 Omnia transformant sese in miracula rerum,  
 Gryllos, & mures, noverunt omnia Vates  
 Quae sint, quae fuerint, quae mox ventura sequatur,  
 Ignari scelerum Fratres, artusq; pelagae.  
 Omnibus una quies operum, mens omnibus una est,  
 Soli



De Fratribus R. C.

Soli communes natos, consortia tecta  
Urbis habent, magnisq; agitant sub legibus ævum,  
Et genus immortale manet, multosq; per annos  
Stat fortuna domus & avi numerantur avorum.  
Sed tu desine plura puer sub nocte silenti  
(Religio vetuit.) socijs exactare ferre.  
Claudite jam rivos, sortes: arcanaq; fata  
Cælestes anima vestrum cecinisse poetam  
Hæc sat erit.  
Aspice venturo latentur ut omnia saclo!  
Omnia nunc vident, quoniam sors omnia versat,  
Omnia fert ætas, animum quoq;  
Tantum ævi longinqua valet mutare vetustas.  
Collige virgo rosas, dum flos novus, & nova pubes,  
Arte laboratas vestes, Ostrog; superbo,  
Ingens argentum mensis, colloq; monile  
Baccatum, & duplicem gemmis, auroq; coronam.  
Illa vel intacta segetis per summa volaret  
Gramina, nec teneras cursu levisset aristas:  
Vel mare per medium fluctu suspensa tument  
Ferret iter, celeres nec tingeret aquore plantas.  
Nunc & oves ultrò fugiat lupus, aurea dura  
Mala ferant quercus: narcisco floreat alnus:  
Pinguia corticibus sudent electra Myrica,  
Certent & Cygnis ulula: sit Tityrus Orpheus:  
Orpheus in Sylvis, inter delphinas Arion.

Infelix



Cento Virgilianus

Infelix ego, non illo qui tempore natus,  
Quo facilis natura fuit: fors ô mea læva  
Nascendi, miserumq; genus?  
Atq; utinam ex vobis unus, vestriq; fuisssem  
Aut custos gregis, aut matura vinitor uva,  
Vobis Getulicis agerem si syrtibus exul,  
Argolicove mari deprensus, & urbe Mycenæ,  
Annua vota tamen, solemnesq; ordine pompas  
Exequerer, strueremque suis altaria donis.  
Omnia vincit amor: ducit sua quemque voluptas.  
Munera vestra cano, Vos ô clarissima Mundi  
Lumina, quæis vivis licuit succedere cælo.  
O fortunata gentes, genus à Jove summo,  
Cara Deum soboles magnum Jovis incrementum,  
Vestrae parta quies æternâ in secula genti est.  
Jamq; vale: dum plura canâ, quia plura supersunt.  
Que tibi prolixo statui describere versu.  
Vivite felices, ô terque, quaterque beati,  
Fortunati omnes, si quid pia numina possunt,  
Quo res cunq; cadent. Si quid mea carmina possunt  
Nulla, dies unquam memori vos eximet ævo.  
Dum juga montis aper, fluviis dum piscis amabit,  
Dumq; thymo pascentur apes, dum rore cicada  
Semper honos vester, nomen laudesq; manebunt.

Fecit ne nil faceret

Franciscus Gent dorp, cognomento Gometz. Menapius.

Cento



CENTO  
**OVIDIANUS**

DE  
**FRATRIBUS ROSEÆ  
CRUCIS.**



Eodem Authore

**F. G. MENAPIO.**

---

**MDC XIIIX.**



OMNIDIANUS

DE  
TRATIBUS ROSSII  
CHICIS



'Foderm Auctore

T. G. MENAPLO

MDCXIX

ca  
ca

O

FR

D

Caesaris an

Colleg

Quisque e

Allo

Unde per

Dir

Sive die la

Sider

Ipse mon

Pro

Annua

Dea


Obscuris

Dis

Damian

In





CENTO

# OVIDIANUS

DE

FRATRIBUS ROSEÆ  
CRUCIS.

**D**lvitis ingenii est immania cæsaris acta  
Condere, materiâ ne superetur opus.  
Cæsaris arma canant alii: nos carmina Fratris  
Collegii Rosea non referenda Crucis.  
Quisquis es, ô faveas, nostrisq; laboribus adsis,  
Alloquiog; juva pectora nostra tuo.  
Unde petam causas horum, moremque sacrorum,  
Diriget in medio quis mea vota freto?  
Sive die laxatur humus, seu frigida lucent  
Sidera, prospicio quis freta ventus agat.  
Ipse mone, qui nomen habes à carmine ductum,  
Propositoq; fave ne tuus erret honor.  
Annue conanti per laudes ire tuorum,  
Deq; meo pavidos excute corde metus.  
Obscuris Frater fer opem mitissime rebus:  
Difficilis causa mitte patrocinium.  
Da mihi te placidum, dederis in carmina vires,  
Ingenium vultu statq; ceditq; tuo.

B 2

Erge



Cento Ovidianus

Ergo ades, & placido paulum mea carmina vultu  
Respice, pacando si quid ab hoste vacas.  
Cum tibi sint Fratres, fratres alciscere lasos:  
Cumq; pater tibi sit jura tuere patris.  
Deficit ingenium, majoraq; viribus urgent,  
Hac mihi precipuo est ore canenda dies.  
Ergo erit illa dies, qua tu pulcherrime rerum  
Quatuor in niveis aureis ibis equis.  
Spectabunt juvenes lati, mistique puella,  
Diffundetq; animos omnibus illa dies.  
Prospera lux oritur, linguisq; animisq; favete,  
Nunc dicenda bono sunt bona verba die.  
Prospera lux oritur cuius securus favore  
Ocia terra ferax, ocia pontus habet.  
Lite vacant aures, insanaque protinus absunt  
Furgia: cum nautis ocia miles agit.  
Flamma nitore suo templorum verberat aurum,  
Et tremulum summa spargit in ade jubar.  
Jamq; novipreæunt fasces, nova purpura fulget,  
Et nova conspicuum pondera sentit ebur.  
Iuppiter arce sua totum cum spectet in orbem,  
Nil nisi Confratres, quos tueatur, habet.  
Salve festa dies, meliorq; revertere semper,  
Neve suum praesta deserat author opus.  
Dijq; petitorum vos o salvete locorum,  
Tuq; novos cælo terra datura Deos.

Este



De Fratribus R. C.

Este bonis a vibus visi, vestrisq, mihiq,  
Ripaue felici tacta sit ista pede.  
Felices anima, quibus hæc cognoscere primum,  
Inque domos superas scandere cura fuit.  
Et aliquid plenius pomaria carpere ramis,  
Et tenui primam deligere ungue Rosam.  
Plus etiam quam quod superis contingere fas est,  
Nulla quibus reddi gratia digna potest.  
Credibile est illos pariter vitiusq, jocusq,  
Altius humanis exeruisse caput.  
Ista vetus pietas, ævo moritura futuro,  
Rustica Saturno regna tenente fuit.  
Non Venus, & Vinum sublimia pectora fregit:  
Officiūq, fori, militiaq, labor.  
Nec levis ambitio, perfusaq, gloria fuco,  
Magnarumve fames sollicitavit opum.  
Admovere oculis distantia sidera nostris,  
Ætheraq, ingenio supposuere suo.  
Consortes operum, per quos correctæ vetustas,  
Quernaq, glans victa est utiliore cibo;  
Fructibus immensis avidos satiate colones,  
Ut capiant cultus præmia digna sui.  
Vos date perpetuos teneris sementibus auctus,  
Nec nova per gelidas usta sit herba nives.  
Cum serimus cælum ventis aperite serenis,  
Cum latet, ætherea spargite semen aqua.



Cento Ovidianus

Ecce petunt rupes, praeuptaq; saxa capellae,  
Ut referant haedi ubera plena suis.  
Aspice curvatos pomorum pondere ramos,  
Ut sua quod peperit vix ferat arbor onus  
Hac ego cum sumptis agitare mentem tabellis,  
Lucidior visa est, quam fuit ante, domus.  
Tum sacer accipiti mirandus imagine Frater  
Sancta repente oculis obtulit ora meis.  
Extimui, sensiq; metu riguisse capillos.  
Et gelidum subito frigore pectus erat.  
Non aliter stupui, quam qui Jovis ignibus ictus  
Vivit, & est vita nescius ipse sua.  
Celsior ille loco, sceptroque innixus eburno,  
Edidit hos nobis ore priore sonos:  
Cui commune genus mecum, & patruelis origo,  
O vir colloquio non abigende mea,  
Disce metu posito vates operose dierum  
Quod petis, & memori pectore dicta nota.  
Affectasse ferunt regnum caeleste Gigantes:  
Aspice quam longi temporis acta feram.  
Jamque quiescebant voces hominumque, canumque,  
Lunaque nocturnos alta regebat equos.  
En Galatea jacet tunicâ velata recinctâ,  
Candida dividuâ colla tegente comâ.  
Ut tetigit niveae secreta cubilia Nympha  
Ipse Cyclops nutu, sollicitansque notis,

Et



De Fratribus R. C.

Et jam finitimo corpus librarat in antro,  
Illa tamen multo plena soporis erat;  
Forma placet, niveusq; color, flaviq; capilli,  
Quiq; aderat nulla factus ab arte decor.  
Candida vestis erat, præcincti flore capilli,  
Alba verecundus tinxerat ora rubor.  
Oscula dat manibus, vix jam vix cetera differt,  
Forma papillarum quam fuit apta prami?  
Quam castigato planus sub pectore venter,  
Quantū, & quale latus, quam juvenile femur?  
Gaudet, & à pedibus tracto velamine vota  
Ad sua felici ceperat ire via.  
Exuerat tunicas uteri manifesta tumore:  
Proditur indicio ponderis ipsa sui.  
Nunc uterus vitio est, quæ vult formosa videri,  
Raraq; in hoc ævo est quæ velit esse parens.  
Filius hinc genitus, qui quanquam clarus utroq;  
Nobilior sacra sanguine matris eram.  
Dicite, Tu nobis lucem Lucina dedisti:  
Dicit, Tu voto parturientis ades.  
Ecce Deum Genitor rutilas per nubila flammæ  
Spergit, & effusis æthera siccant aquis.  
Non alias missi cecidere frequentius ignes,  
Rex pavet, & vulgi pectora terror habet.  
Ter tonuit sine nube Deus, tria fulmina misit,  
Et gravis æthereo venit ab axe fragor.



Cento Ovidianus.

Mox Genetrix flenti, Fortuna viriliter, inquit,  
Siste puer lachrimas, multa ferenda tibi est.  
Pone metus, inquit, nunquam tibi causa doloris:  
Differ, habent parva commoda magna mora.  
Vita feris similis nullos agitat a per usus,  
Nectar erit palmis hausta duabus aqua.  
Exul, inops, errans, alienaq; limina lustrans,  
Exiguumq; petens ore tremente cibum,  
Omnibus invisus, nec eris miserabilis ulli,  
Gaudebit fato semina, virq; tuo.  
Accedet lachrimis odium, dignumq; putabunt,  
Qui mala cum tulerit plurima, plura ferat.  
Nec fera tempestas toto tamen errat in anno,  
Et tibi, crede mihi, tempora veris erunt.  
Vidi ego pampineis oneratam vitibus Ulmum.  
Quae fuerat saevo fulmine tacta Jovis.  
Dixerat: & vultu, si plura requirere vellem  
Difficilem mihi non se fore pactus erat.  
Sumpsi animum, gratesq; Deo non territus egi,  
Verbaq; sum spectans pauca locutus humum:  
Si licet occultos monitus audire Deorum  
Vatibus, ut certè fama licere putat;  
Dic age cur uxor vivo tibi viva negatur,  
Et domus, & fida dulcia membra domus!  
Nunc procul Illyricis lœva de parte relictis  
Interdicta tibi cernitur Italia.

Nunc



De Fratribus R. C.

**N**unc & Alexandri claram delatus in urbem  
Delitias cernit, Nile jocosae, tuas.  
**A**ntibi perpetuo patria tellure carendum est,  
Ni fuerit laesi mollior ira DEI!  
**N**umen, & auxilium per sacras quaerite sortes,  
O pater, o patria spesq; salusq; tua!  
**Q**uasieram paucis, non multis ille moratus  
Contulit in versus sic sua verba duos:  
**O**mne solum fortis patria est, ut piscibus aquor,  
Ut volucris vacuo quidquid in orbe patet.  
**P**ostea quarebam, pateretur Numinis iram,  
An meriti poenam! Percipe Frater ait:  
**C**onscia mens ut cuiq; sua est, ita concipit intra  
Pectora pro facto spemq; metumq; suo.  
**D**esierat Frater, nec longa silentia feci,  
Sed tetigi verbis ultima verba meis:  
**S**peravi melius, quia te meruisse putavi:  
Quaecumq; ex merito spes venit aqua venit,  
Sic erat in satis? & non te culpa fugavit!  
Sed Deus offensus pelleris orbe Deo!  
**P**assus idem est, Tyrijs qui quondam pulsus ab oris  
Cadmus, in Aonia constitit exul humo.  
**P**assus idem est Tydeus, & idem Pegaseus Jason,  
Et quos prater ea longa referre mora est.  
**O**men ait causa est: motusq; hos ante sciebam,  
Multaq; prater ea tempore nata fidem.

B s

Sapè



Cento Ovidianus

Sapè ego nimboſis dubius jaſtabar ab hadis,  
Sæpe minax Steropis ſidere pontus erat.  
Fuscabatq; diem cuſtos Erymantidos ursa.  
Aut Hyadas ſevis hauſerat Auſter aquis.  
Tot mala ſum paſſus, quot in æthere ſidera lucent,  
Parvaq; quot ſiccus corpora pulvis habet  
Cura, dolorq; animi, lachrymaq; alimenta fuere  
Horaq; erat tantis ultima nulla malis.  
Multaq; credibili tulimus maiora, rataq;  
Quamvis acciderint, non habitura fidem.  
Finierat monitus: placidis ita ruruſus, ut ante,  
Humanum verbis alloquor ipſe Deum:  
An miſerum triſtis fortuna tenaciter urget.  
Nec venit inceptis mollior aura tuis?  
Ipſe ego nunc miror tantis animiq; marisq;  
Fluctibus ingenium non cecidiſſe tuum.  
Divitiis etiam multos, & honoribus auctos  
Vidi, qui tulerant in caput armatum.  
At puto fructus adest, juſtiſſima cauſa laborum,  
Et ſata cum multo fœnore reddit ager.  
Carcere dicuntur clauſi ſperare ſalutem,  
Atque aliquis pendens in cruce vota facit.  
Quamvis eſt igitur meritis indebita noſtris,  
Magna tamen ſpes eſt in bonitate Dei.  
Multa quidem didici: ſed jam tibi meta laborum  
Inſtat: Ad hæc tales reddidit ore ſonos:

Inter



De Fratribus R. C.

Inter utrumq; fremant immani murmure venti;  
Sapè premento Deo fert Deus alter opem.  
Mulciber in Trojam, pro Troja stabat Apollo,  
Æqua Venus Teucris, pallas iniqua fuit.  
Anxia si rerum munerentur fata mearum,  
Omne genus miseri vita laboris habet:  
At si cura Jovis, pia si clementia cæli  
Spectetur, vèro sors mea lata bono est.  
Perlege dispositas annosa per atria ceras,  
Contigerant nulli nomina tanta viro.  
Dixit, & ignotas animum dimittit in artes,  
Naturamq; novat: vidit, & obstupuit.  
Presserat ora Deus, tunc sic ego nostra resolvi,  
Vocè mea voces eliciente DEI,  
Si vita series semper tibi lata fuisset,  
Virtutis tacitum delituisse opus?  
Nunc cadem gravibus rerum percussa procellis  
Tollitur, & recti non leve nomen habet?  
Templorum positor, templorum sancte repertor,  
Sit superis opto mutua cura tui.  
Dent tibi cælestes, quos tu cælestibus annos,  
Proq; tua maneant in statione domo.  
Tu populos, urbesq;, & regna ingentia finis,  
Omnis erit sine te litigiosus ager.  
Nulla tibi ambitio est, nullo corrumperis auro,  
Legitimâ servas credita rura fide.

Omnia



Cento Ovidianus

Omnia te metuunt, ad te sua brachia tendunt,  
Vulgus quo magnâ voce triumphæ canit.  
Omnia debentur vobis: tibi thuris honores,  
Templa tibi statuam, Numinis instar eris.  
Numinis instar eris semper mihi, meque fatebor  
(Lux aterna mihi) muneris esse tui.  
Dicere sum solitus, tu me reficisque fovesque:  
Credula res amor est, sæpe tamen dubitat.  
Ille manu mulcens propex am ad pectora barbam,  
Nec mora, quasi reddit a causa mihi est.  
Me penes est unum fasti custodia mundi,  
Et ius Vertendi cardinis omne meum est.  
Cum libuit pacem placidis emittere tectis  
Liberâ per tutas ambulat illa vias.  
Sanguine lethifero totus miscbitur orbis,  
Ni teneant rigida condita bella fera.  
Præsideo foribus cæli cum mitibusque Horis,  
Et redit officio Jupiter ipse meo.  
Et Deus humana lustris sub imagine terras,  
Eoas partes, Hesperias simul.  
Artibus ipse ego nunc populos reparabo paternis:  
Jam satis est virtus dissimulata diu.  
Nunc quoque detecti referam monimenta vetusti  
Moris, et antiquas testificabor opes.  
Omnia jam fient, fieri quæ posse negabas,  
Et nihil est de quo non sit habenda fides.

Quod-



De Fratribus R. C.

*Quodcumq; optaris, stygias juravimus undas,  
Ne dubita dabitur: qui fuit ante, manet.*

*Quid dubitas, & tuta times? accede rogaq;  
Nunc fas est homini cum Jove posse loqui.*

*Est Deus in nobis, nostri quoq; sanguinis author  
Juppiter est, cuncta & sunt mea templa Jovi.*

*Quidquid contigeris, fulvum vertetur in aurum:  
Talia fatidici dicta fuere senis.*

*Stalta beneficij tamen est via: noster Apollo  
Innocuam sacro carmine monstrat opem.*

*Me duce non tumulo prodire jubebitur umbra,  
Non annis infami carmine rumpet humum.*

*Non seges ex aliis alios transibit in agros,  
Nec subito Phæbi pallidus orbis erit.*

*Dixit, & attollens oculos diversa tuentes,  
Aspexit toto quidquid in orbe fuit.*

*Dicta fides sequitur, responsaq; Vatis aguntur:  
Dent modo Dii vires in mea verba suas.*

*Pax erat, ut desunt hostes, ut causa triumphi,  
Pax ades, & toto mitis in orbe manet.*

*Exiit feritas, armisq; potentius æquum est,  
Et cum crue pudet conseruisse manus.*

*Aurea messis erat, flumen vis aurea tinxit,  
Lamina fulva dapes, debita solvit honor.*

*Sape canes, leporesq; umbra jacuere sub una,  
Et stetit in saxo proxima cervalea.*



Cento Ovidianus,

Et sine lite loquax cum palladis alite cornix  
Sedit & accipitri juncta columba fuit.  
Talia miranti Frater monstraverat ille  
Subjunxi hac dictis ultima verba meis:  
Hac mihi semper erunt imis infixæ medullis,  
Perpetuusq; animi debitor huius ero.  
Spiritus & vacuas prius extenuandus in auras  
Ibit, & in tepito deseret ossa rogo:  
Quam subeant animo meritorum oblivia nostro,  
Et longæ pietas excidat ista die.  
Maxime, qui tanti mensuram nominis imples,  
Et geminas animi nobilitate genus;  
O Decus, ô patria per te florentis imago,  
O vir non ipso, quem regis, orbe minor:  
Dij tibi sint faciles, & opis nullius egentem  
Fortunam præstent, dissimilemq; mea.  
Detur in offensa vita tibi tangere metam,  
Qui legis hoc nobis non inimicus opus.  
O Facunde senex ævi prudentia nostri,  
Dij faciant laudis summa sit ista tua.  
Heu mihi non magnas quot habent mea carmina  
Nostraq; sunt meritis ora minora tuis. (vires,  
Quantumcunq; tamen præconia nostra valebunt,  
Carminibus vives tempus in omne meis  
Optavi peteres cælestia sidera tardè,  
Parsq; fui turba parva precantis idem.

Tarda



De Fratribus R. C.

arda sit illa dies, & nostro serior ævo,  
O Pater, ô patria cura, salusq; tua.  
pia thura dedi pro te, cumq; omnibus unus  
Ipse quoq; adjuvi publica vota meis.  
Non tua carminibus major fit gloria, nec quo  
Ut major fiat crescere possit habet.  
ama Torvis superest, tamen hunc sua facta referri,  
Et se materiam carminis esse iura.  
Los quoq; per totum pariter cantabimur orbem,  
Junctaq; semper erunt nomina nostra tuis.  
Cum pere livor edax, magnū jam nomen habemus:  
Majus erit, tantum, quo pede cæpit, eat.

FINIS.

Non εὐνοίας, non Φιλαδελφίας ἐνεκα scribſit  
Amicus qui scribſit, ſed χλευαστὴς χρο-  
δαῖ. & fallendi temporis ergo.

LECTORI S.



## LECTORI S.

Nonnulla errata in duplica nostra, & alibi reliquit  
 festinans Typographus, quae te ipsum pro candore  
 tuo, & prudentia facile correcturum esse putamus.  
 Interea, si vis, expectabis, donec ad Calendas Gra-  
 cae tibi tradat ἡ κορυφαία, καὶ πρεσβυτάτη τῶν Φι-  
 λοσοφθεολόγων ἀκρότης, si Displacer inferis, Fra-  
 ternitas τῶν δυνάμεων τιτλεσμένων Ἰπσιμηῶν. Nam co-  
 gitaciones suas non calentes, non recentes ab incude  
 protrudere solet, sed Horatiani praecepti memor non  
 solum in nonum usq; annum limae laborem, & mo-  
 ram adhibet, verum etiam tum demum nobis, quae  
 promisit, videre licebit, cum mula pepererit. Hac  
 tibi propter tuam ἀσφάλειαν paucis significanda  
 esse duximus, ne, cum opinione tua diutius in su-  
 spenso teneberis, animo concidas, & despondeas, Fra-  
 ternitatem tandem aliquando τῶν ῥήματι τῆς δυνά-  
 μως αὐτῆς fidem suam παντοκρατορικῶς liberaturam  
 esse. Vale.



alibi reliquis  
pro candere  
esse putamus.  
clendas Gra.  
dum Tui Qi-  
teris, Fra-  
Nam co-  
ab incude  
memor non  
m, et mo-  
nibus, que  
ris. Hac  
significanda  
um in su-  
den, Fra-  
tis dicitur.  
calumiam



